

POLISI KESELAMATAN DAN KESIHATAN PEKERJAAN

Johor Plantations Group Berhad (JPG) komited, sejauh mana yang munasabah dan praktikal, untuk menyediakan dan mengekalkan persekitaran kerja yang selamat dan sihat untuk semua anggota pekerja dan pihak lain yang mungkin terjejas dengan aktiviti kami. Oleh itu, Dasar ini terpakai untuk semua anggota pekerja JPG dan termasuk kepada pembekal, pelawat, klien, pelanggan, kontraktor dan pihak berkepentingan yang memasuki mana-mana premis kami.

Kami akan melaksanakan langkah-langkah berikut untuk mengekalkan persekitaran kerja yang selamat dan sihat:

Pencegahan

Komited untuk mencegah insiden, kecederaan dan masalah kesihatan yang berkaitan pekerjaan dengan menghapuskan bahaya dan mengurangkan risiko dalam operasi harian.

Penambahbaikan

Memastikan penambahbaikan berterusan dengan melaksanakan semakan berkala serta mewujudkan objektif yang jelas untuk meningkatkan keberkesanan keselamatan dan kesihatan di seluruh organisasi

Pematuhan

Memastikan semua aktiviti organisasi mematuhi dan konsisten dengan semua perundangan KKP nasional, peraturan, kod amalan dan sistem Pengurusan Keselamatan dan Kesihatan Pekerjaan (OSHMS) .

Komunikasi

Menyampaikan polisi ini dengan berkesan kepada pihak berkepentingan dalaman dan luaran, termasuk pengarah, pemegang saham, pelabur, pembekal, pelawat, klien, pelanggan, kontraktor dan komuniti lain yang mungkin terjejas oleh aktiviti organisasi.

Walaupun JPG menerima tanggungjawab utama dalam pelaksanaan Polisi ini, individu mempunyai peranan penting dalam bekerjasama dengan mereka yang bertanggungjawab untuk memastikan persekitaran kerja yang sihat dan selamat. Anggota pekerja yang mengabaikan atau melanggar polisi ini pada dimana-mana peringkat boleh dikenakan tindakan disiplin mengikut polisi organisasi.